


ଯାକୁବ ଆସିର୍ବାଦ ଚାଡ଼ା' ରିରିଙ୍ଗୁ



Gadaba, Bodo


ଯାକୁବ ଆସିରବାଦ ଚାଡ଼ା' ରିରିଙ୍ଗୁ

Gadaba, Bodo
Koraput, Odisha, India




<http://creativecommons.org/licenses/by/4.0/>


You are free to make commercial use of this work. You may adapt and add to this work. You must keep the copyright and credits for authors, illustrators, etc.



ଇସ୍ରାକ ଉନ୍ତାମ୍ବୁ ଉଜି'ସୁ ମ' ଜାଲୁଆ
ଡେଡେମ୍ବେ କୁକୁଗଲ୍ ଉରା' ହୁଗୁ। ହୁ ବେଲା
ମାୟ'ନୁ ନିଜର୍ ପଶୁଆଁ ଅ'ଅନ୍ ଏଷୌଲାୟ୍
ଆୟ'ସୁ ସୁନ', ନିଜ୍ତ ଉନ୍ତାମ୍ବୁ ଉଜି'ନିଜ୍,
ନିଜ୍ ଉନ୍ତୟ୍' ଗୟ୍'ଲଜ୍'ନିଜ୍ ହୁନୁ ନିଜ୍
ମାଅ'ନୁ ଉରା' ।



ନିଜ୍ ଅନମ୍ ସୁନ'ନିଜ୍ନି ଥାଁ ନମ୍, ଅ'ଅମ୍
ଅନବାକ୍ ସବ୍ ମିୟ' ଗୁ'ଉମ୍ ଉଜି'ସୁ ନିଜ୍ନୁ
ପୁଲାଇଁ ମାଜ୍ସା ମୁଇର' ଜନ୍ତ୍ ତର'ରିଜ୍ ।
ମିୟ' ଅନିଜ୍ ନିମାନ୍ ଲାଗେୟ୍ଗୁନୁ ମୁନାଜ୍
ତୟ୍ସୁ ରିଜ୍ । ତୁନୁ ସମ'ସୁ ଗଗୟ୍ ଆକ୍ତୁ
ଅନମ୍ ଆସିର୍ବାଦ୍ ବେ'ତୁନିଜ୍ ତିୟ'ସୁ ସୁନ' ।




ଇସ୍ରାଏଲ ଏଠିଲେ ସୁସୁନ୍ନୁ ଏ ସାମ ରିବିକା ଅଁ
ତୁଗୁ। ମିୟ୍ ଏଠି ଗୁ'ଉମ୍ବ' ଉଜି'ନ୍ନୁ ତିରଗି',
ରିବିକା ଯାକୁବଲେୟ୍ ସୁନ୍', ନମ୍ନୁ ଆପୁଜ୍
ଏଠିଲେ ନମ୍ ଗୁ'ଉମ୍ ଉଜି'ସୁ ମାଜ୍ସା ଜନ୍ତ
ସେଲି ନିଜ୍ନୁ ପୁଲେୟ୍ ନିମାନ୍ ତେମ'ସୁ ତୟ୍
ଇନ୍ତେ, ନିଜ୍ ତୁନ୍ନୁ ସମ'ସୁ ଗଗୟ୍ ଆ'କ୍ତୁ
ଯିହୋବାନ୍ନୁ ସୁମଜ୍ ଅନମ୍ ଆସିରବାଦ୍ ବେ'ତୁନିଜ୍,
ତିୟ୍ ସୁସୁନ୍ନୁ ଅଁନିଜ୍ ତିୟ୍ ସୁ ସୁନ୍' ।




ତୁନୁ ପୁଲାଇଁ ଆଁ ନିଜ୍ ଅନମ୍ ସୁସୁନ୍ନୁ ଅନ୍ସାରେ
ଡେମ୍ । ନମ୍ ଆଁ ରାସିବ' ଉଜି'ସୁ ଜଡ଼େକ୍
ନିମାନକାଜ୍ ଗିମେ' ରିଜ୍, ନମନ୍ନୁ ଆପୁଜ୍ଲାଇଁ
ସୁବୁଲ୍ ଲାଗେୟ୍ଗୁନୁ ମୁନାଜ୍ ନିମାନ୍ ଡେମ'ସୁ ଡୟ୍
ବେ'ତୁନିଜ୍ । ନମ୍ ତୁନୁ ସବ'ସୁ ନମନ୍ନୁ ଆପୁଜ୍ନୁ
ବୁନ୍ଦେ ଉୟା, ମାୟ୍ ତୁନୁ ସମ'ସୁ ଗଗୟ୍ ଆ'କ୍ତୁ
ଅନମ୍ ଆସିର୍ବାଦ୍ ଡେମ୍ତୁ ଡିୟ'ସୁ ସୁନ' ।




ତୁ ବେଲା ଯାକୁବ ଇୟଙ୍ଗେୟ୍‌ଲାଇୟ୍ ସୁନ', ନିଙ୍ଗୁ
ବୁୟାଙ୍ଗ୍ ଏଷୌଲାଇୟ୍ ତ' ଗୁଲାଇୟ୍‌ନେରି ସାଲୁଆ ତୁତୁ,
ମାତର୍ ଅନିଙ୍ଗ୍ ସାଲୁଆ ଉରା' । ଜଦି ଅନିଙ୍ଗ୍ ଆପୁଙ୍ଗ୍
ତାରାମ'ସୁ ମାକ୍‌ତୁ ତିୟ୍‌ନା, ମାୟ୍‌ନୁ ସୁମଙ୍ଗ୍‌ବ' ନିଙ୍ଗ୍
ନାଡ଼ାୟ୍‌ବାର୍‌ନୁ ଲକ୍ ତେଲଙ୍ଗ୍‌ନିଙ୍ଗ୍ । ଏ ଇତ'
ତେଙ୍ଗୁନା ନିଙ୍ଗ୍ ଆସିର୍‌ବାଦ୍ ପାଏୟ୍‌ନୁ ବାଦୁଲ୍‌ରେ
ଅବିସାପ୍ ପାଏୟ୍‌ଲଙ୍ଗ୍‌ନିଙ୍ଗ୍ ତିୟ୍‌ସୁ ସୁନ' ।




ତୁନୁ ତିରୁଗି' ଯାକୁବ ଉଜି'ସୁ ଇୟଙ୍ଗ୍‌ଡେୟ୍‌ନୁବ'
ଗିମେ' ରିଅଁ' ମିୟ' ଇୟଙ୍ଗ୍‌ଡେୟ୍‌ ଆପୁଙ୍ଗ୍‌ଡେୟ୍‌ନୁ
ମନ୍‌କେ ଉଜି'ନୁ ମୁନାଙ୍ଗ୍‌ ଡୟ୍‌ । ମିୟ' ଏଷୌନୁ
ନିମାନ୍‌କାଙ୍ଗ୍‌ ଚକା ରିଅଁ'ସୁ ଯାକୁବଲାଇୟ୍
ଅ'ବ୍‌ତିଙ୍ଗ୍‌ଅଁ' ବେଡ୍‌ । ମିୟ' ଗିମେ' ଇସାଲ୍
ଯାକୁବଲାଇୟ୍‌ ତିତିବ' ମିୟ' କନ୍‌ଡ୍‌ରଙ୍ଗ୍‌ବ' ଡାଲ୍
ବେଡ୍‌ । ମିୟ' ତୁ ଡୟ୍‌ନୁ ସେଲି ମା' ମିୟ' ରୁଟି
ଯାକୁବନୁ ତିତିବ' ବେଡ୍‌'ସୁ ବାୟ୍‌ ।




ତୁନୁ ତିରଗି' ଯାକୁବ୍ ଆପୁଙ୍ଗନୁ ବୁନ୍ଦେ ଉଜି'ସୁ ଏ
ବା ତିୟ' ଆୟ'ସୁ ଆପୁଙ୍ଗଡେୟଲାଇ ନିଙ୍ଗ ନମନ୍
ମଡ଼ ଅତୁ'ଅନ୍ ଏଷୌ, ନମ୍ ବ' ସାମ ସୁନ' ନମ୍
ତୁଗୁ, ନିଙ୍ଗ ତୁନୁ ତୟ' ରିଅ'ନିଙ୍ଗ ତୁତୁ। ନିଙ୍ଗ ଅନମ୍
ଗୁଆରି ତେମ'ନିଙ୍ଗନି ମ'ଡ଼ା ଜନ୍ତ ସେଲି ସମ'ସୁ
ଅନିଙ୍ଗ ଆସିରବାଦ୍ ତେମ୍ ତିୟ'ସୁ ସୁନ' ।




ତୁମ୍ଭ ତିରଗି' ଇସ୍ତ୍ରାକ ନିଜର ଅ'ଅନ୍ଲାଇ ନମ୍
ଏଡେକ୍‌ଦାପ୍‌ରେ ଏରାନ୍ ମିଲାଅ' ରିଆଁ'ନମ୍?
ଡିୟ'ସୁ ସୁନ' । ତୁ ବେଲା ଯାକୁବ ନମ୍‌ନୁ
ଯିହୋବା ଅନିଙ୍‌ଲାଇ ଜାଗାଅ' ବେଡ଼' ଡିୟ'ସୁ
ସୁନ' ।




ଇସ୍ରାକ ଯାକୁବଲାୟ୍ ସୁନ', ନମ୍ ନିଙ୍ଗୁ
ବୁନ୍ଦେ ଉଲ, ନମ୍ ସତ୍ରେ ନିଙ୍ଗୁ ଅ'ଅନ୍
ଏଷୌ କି ଉରା' ଅନମ୍ ତାରାମ'ସୁ
ମା'କ୍ତୁନିଙ୍ଗ୍ ତିୟ'ସୁ ସୁନ' । ତୁ ବେଲା ଯାକୁବ
ଆପୁଙ୍ଗ୍ଡେୟ୍ ବୁନ୍ଦେ ଉୟ୍କେ, ମାୟ୍
ତାରାମ'ସୁ ସୁନ', ଏ କନ୍ର୍ ଯାକୁବନ୍ କନ୍ର୍
ମାତର୍ ଏ ତିତି ଏଷୌନ୍ ତିତି ମୁନାଙ୍ଗ୍ ତିୟ'ସୁ
ସୁନ' ।




ଯାକୁବ ନିଜର ବୁଝାଇ ଏଣୌଲାଇ ସାଲୁଆ ତୁଗୁନୁ
ମୁନାଇ ମାୟ୍'ନୁ ତିତିବ' ଗିମେ' ଇସାଲ୍ ତାଲ୍ଗୁ
ତୁଗୁନୁ ଲାଗି ଆପୁଙ୍ଗ୍ତେୟ୍ ଯାକୁବଲାଇ ତିନେୟ୍
ଆରଗଙ୍ଗତ। ତୁନୁ ପୁଲାଇ ଇସ୍ହାକ ଅମାୟ୍'
ଆସିରବାଦ୍ ତେତେମ୍ଲାଇ ଉୟ୍ବେଲା, ମିୟ୍'
ତରେକ୍ ନମ୍ ସତ୍ରେ ଏଣୌ କି? ତିୟ୍'ସୁ
ସୁସୁନ୍କେ, ଯାକୁବ ଓଁ, ନିଙ୍ଗ୍ଅ' ଏଣୌ ତିୟ୍'ସୁ
ସୁନ' ।



ତୁ ବେଲା ଇସ୍ତାକ ସୁନ', ତୁ ଜନ୍ତ୍ ସେଲି ନିଜ୍ନୁ
ବୁନ୍ଦେ ରିଜ୍, ନିଜ୍ ତୁନୁ ସମ'ସୁ, ଅନମ୍ ଆସିର୍ବାଦ୍
ବେ'ତୁନିଜ୍ ତିୟ'ସୁ ସୁନ' । ତୁନୁ ପୁଲାଇୟ୍ ଯାକୁବ
ଇସ୍ତାକନୁ ବୁନ୍ଦେ ସେଲି ମିୟ' ଅଜୁର୍ ଇଲି ରିଜି
ବେଡ୍‌ବେ'କେ, ଇସ୍ତାକ ତୁ ସେଲି ସମ' ମିୟ'
ଅଜୁର୍ ଇଲି ଇଡ୍'ସୁ, ଅ'ଅନ୍ ଅ' ନମ୍ ନିଜ୍ନୁ
ବୁନ୍ଦେ ପିଜିସୁ ଅନିଜ୍ ତୁମେୟ୍ ତିୟ'ସୁ ସୁନ' ।




ତୁ ବେଲା ଯାକୁବ ବୁନ୍ଦେ ଉଜି'ସୁ ତୁମେୟ' ମିୟ'
ଇସହାକ ତୁ ପାଚାୟନ୍ନୁ ବାସ୍ନା ସୁଜେୟ'ସୁ ଏନ୍ନୁ
ଏଷୌ ଡିୟ' ବାବେୟଗୁସୁ, ଯିହୋବା ଆସିର୍ବାଦ୍
ଡେମ'ସୁ, ବେଡ'ନ୍ନୁ ଦର୍ତନିନ୍ନୁ ବାସ୍ନା ମୁନାଜ୍
ନିଜନ୍ନୁ ଅଡୁ'ଅନ୍ନୁ ବାସ୍ନା ଡିୟ'ସୁ ସୁନ' ।




ସତ୍‌ମାପରୁ ନମନ୍ତୁ ଲାଙ୍ଗବଏଲ୍ ତାଲବ୍ ତାକ୍ ବାୟେଁ
ମିୟ୍ ଲାଙ୍ଗବବ' ବେସି ତାସ୍ ତେମେ', ମିୟ୍ ବେସି
ଲକ୍ ଦଲ୍‌ନେନ୍ ନମନ୍ତୁ ସେବା ତେମେ'ନେନ୍ । ନମ୍
ନିଜର୍ କୁଟୁମ୍‌କାଙ୍ଗ୍‌ନେନ୍‌ଲାଇୟ୍ ସାସନ୍ ତେମ୍ । ଲାଇୟ୍
ଅନମ୍ ଅବିସାପ୍ ବେ'ତୁ, ମାଇୟ୍ ଅବିସାପ୍
ପାଏୟ୍‌ୟେ' ମିୟ୍ ଲାଇୟ୍ ଅନମ୍ ଆସିର୍‌ବାଦ୍
ତେମ୍‌ତୁ, ମାଇୟ୍ ଆସିର୍‌ବାଦ୍ ପାଏୟ୍‌ୟେ' ତିୟ୍‌ସୁ
ଯାକୁବଲାଇୟ୍ ଆସିର୍‌ବାଦ୍ ତେମ୍ ।



ଏ ଇତ' ଇସହାକ ଯାକୁବଲାୟ୍ ଆସିରବାଦ୍ ତେମ'ନ୍ନୁ
ତିର୍ଗି' ଯାକୁବ ତୁର୍ଗୁ ଉଜି'ନ୍ନୁ ଦାପ୍ରେ ଏଷୌ
ଗୁ'ଉମ୍ ତିକ୍ ପିଜି । ମିୟ' ଏଷୌ ଜନ୍ତ୍ ସେଲିଲାୟ୍
ନିମାନ୍ ତେମ' ତୟ୍'ସୁ ଆପୁଙ୍ଗ୍ତେୟ୍ନ୍ନୁ ବୁନ୍ଦେ
ରିଆଁ'ସୁ ସୁନ', ଏ ବା ମ'ଡ଼ା ନମ୍ନୁ ଅ'ଅନ୍ ନିଙ୍ଗ୍
ରିଆଁ'ନ୍ନୁ ଜନ୍ତ୍ ସେଲି ସମ'ସୁ ଅନିଙ୍ଗ୍ ଆସିରବାଦ୍
ତେମ୍ ତିୟ୍'ସୁ ସୁନ' ।




ତୁ ବେଲା ଆପୁଙ୍ଗ୍‌ଡେୟ୍ ନମ୍‌ଲାୟ୍? ଡିୟ୍‌ସୁ ସୁନ' ।
ମାୟ୍ ନିଙ୍ ନମ୍‌ନୁ ମଡ଼ ଅଡୁ'ଅନ୍ ଏଷୌ ଡିୟ୍‌ସୁ
ସୁନ' । ତୁ ବେଲା ଇସ୍‌ହାକ ବେସି ଚମ୍‌କେୟ୍‌ଗୁ
ଉଜି'ସୁ ସୁନ', ଲାୟ୍ ତା'ଇ ନିଙ୍‌ନୁ ବୁନ୍‌ଦେ ଜନ୍‌ଡ଼
ସେଲି ରିଅଁ' ତୁଗୁ, ନମ୍ ପିପିଙ୍ ଆ'କ୍‌ତୁ ମାୟ୍
ରିଅଁ'ନୁ ଜନ୍‌ଡ଼ ସେଲି ସମ'ସୁ ଅମାୟ୍ ଆସିର୍‌ବାଦ୍
ବେଡ଼'ନିଙ୍ ମିୟ୍ ମାୟ୍‌ଅ' ଆସିର୍‌ବାଦ୍ ପାଏୟ୍‌ଗୁ
ଡିୟ୍‌ସୁ ସୁନ' ।



ଏଠି ଆପୁଙ୍କୁ ଡିକ୍ ଏ ସାମ ଅ'ସୁ ବେସି କାକୁରୁତି
ଡେଜୁ ଆଉଲିଗୁ ବର'ବର'ଗୁସୁ ଆପୁଙ୍କୁଡେୟଲାୟ
ନମ୍ ଅନିଙ୍ଗା ଆସିରବାଦ୍ ଡେମ୍ ଡିୟ'ସୁ ସୁନ' ।
ସେଡ୍‌କିବେଲା ଇସ୍‌ହାକ ସୁନ', ନମ୍‌ନୁ ବୁୟାଙ୍ଗ
ନାଡାନ୍‌ଡୁ ଡେମ'ସୁ ନମ୍ ପାଏୟନ୍‌ ଆସିରବାଦ୍‌ଲାୟ
ଚାଡାଅ'ସୁ ସ'ବ୍‌ଗୁ ଉଜି' ଡିୟ'ସୁ ସୁନ' ।




ତୁ ବେଲା ଏଣୌ ସୁନ', ମାୟ'ନୁ ଇମିତ ଯାକୁବ,
ଯାକୁବନୁ ଅରତ୍ ତେଜୁନି ନାଡ଼ାୟ୍‌ବାର୍‌ନୁ ଲକ୍ ।
ଅନିଜ୍ ମାୟ' ଏନୁ ବୁଡ଼ମ୍ ଦୁଇ ଦୁଇତର୍ ତେଜୁନି
ନାଡ଼ାଅ'ନି, ଆକ୍‌ତୁ ମାୟ' ନିଜ୍‌ନୁ ପୁଲାଇ ତୁଗୁନୁ
ମଡ଼ଅଡୁ'ଅନୁ ଅଦିକାର୍‌ଲାଇ ଚାଡ଼ାଅ' ରିଜୁ । ମିୟ'
ଆଁ ନିଜ୍ ପାଏୟ୍‌ଲାଇ ତୁଗୁନୁ ଆସିରବାଦ୍‌ଲାଇସା
ଚାଡ଼ାଅ' ସ'ବ୍‌ଗୁ ଉଜି' ତିୟ'ସୁ ସୁନ' ।



ତୁ ବେଲା ଇସ୍ତହାକ ଏଷୌଲାୟ୍ ସୁନ', ନିଜ୍ ଅମାୟ୍
ନମ୍ନୁ ସାଉକାର୍ ତେମ'ନିଜ୍, ମିୟ୍' ମାୟ୍'ନୁ
ବୁୟାଜ୍‌ନେନୁ ସବୁ ଲକ୍‌ନେନ୍‌ଲାୟ୍ ମାୟ୍'ନୁ ଗତି
ଅଡୁ'ର୍ ଅ'ର୍‌ତେମ'ନିଜ୍ । ମିୟ୍' ଲାଜ୍‌ବବ' ବେସି
ତାସ୍‌ବାସ୍ ମିୟ୍' ବେସି ଅଜୁର୍ ସ'ଅଲାୟ୍ ବେଡେ'
ଡିୟ୍'ସୁ ଆସିର୍‌ବାଦ୍ ତେମ'ନିଜ୍ ତୁତୁ ଡିୟ୍'ସୁ ସୁନ' ।



ସେଢ଼କିବେଲା ଏଷୌ ଆପୁଙ୍ଗ୍‌ଡେୟ୍‌ଲାୟ୍ ମିୟ୍
ତରେକ୍ ସୁନ', ଏ ବା ନମ୍‌ନୁବ' ମୁଇର'ଅ'
ଆସିର୍‌ବାଦ୍ ତୁଗୁ କି? ଏ ବା ଅନିଙ୍‌ସା
ଆସିର୍‌ବାଦ୍ ତେମ୍ ତିୟ୍' ଏ ଇତ' ସୁନ'ସୁ
ଏଷୌ କାକୁର୍‌ତି ତେଙ୍ଗୁ ଆଉଲିଗୁସୁ ବର'
ଲେୟ୍'ଗି ।



ତୁ ବେଲା ଆପୁଙ୍ଗ୍‌ଡେୟ୍ ଏଷୌଲାୟ୍ ସୁନ', ନମ୍
ତୁନ୍ନୁ ଜାଗାଏଲ୍‌ନ୍ନୁ ଦରତନି ରସନ୍ ଆରୁଡୁକା ମିୟ୍
ତିରିବ୍ ଡିକ୍ ତାଲବ୍ ଡାକ୍ ଆରପିଆଁ। ନମ୍
କାତିକାନତା ବୁଡ଼ମ୍ ବୁରନ୍ ଆସ'ଲଙ୍ଗ୍‌ନମ୍ ମିୟ୍
ନିଜର୍ ବୁୟାଙ୍ଗ୍‌ନ୍ନୁ ଗତିଅଡୁ'ବ୍ ଡେଲଙ୍ଗ୍‌ନମ୍। ମାତର୍
ନମ୍ ଜେଡ଼େବେଲା ନମ୍‌ନ୍ନୁ ବୁୟାଙ୍ଗ୍‌ନ୍ନୁ ବିରଦ୍‌ରେ
ମ'ଲଙ୍ଗ୍‌ନମ୍ ତୁ ବେଲା ନମ୍ ମାୟ୍‌ନ୍ନୁ ଅଦିକାର୍ ଡିକ୍
କୁଲାସ୍ ଡେଲଙ୍ଗ୍‌ନମ୍ ଡିୟ୍‌ସୁ ସୁନ' ।

